

fit croire que l'ennemi n'estoit pas loing. Alors chacun s'efforce de ramer avec violence, on se dispoſe à donner deſſus: mais comme nous fuſmes arriuez au lieu d'où prouenoit cette fumée, nous trouuaſmes que les oiſeaux s'en eſtoient enuolez, vn iour deuant nous euſt fait combattre, [300 i. e., 296] car nous creuſmes tous qu'ils n'eſtoiēt partis que du iour precedent: nous n'auions pas peu diligenter d'auantage, de les fuiure, c'eſt peine perduë: car leurs canots ſont bien plus legers que nos chaloupes, & que nos barques. Nous uoians donc dans le repos, au moment que nous pensions combattre, & dans la paix au point de la guerre, nous deſcendifmes à terre. Viſitans les lieux que ces voleurs venoient de quitter, nous trouuaſmes ſur les riués du fleue vne planche, qui auoit ſerui de trauers à vne croix, que Monſieur le General du Pleſſis auoit dreſſée l'année precedente. Ces barbares l'auoient arrachée, & ſur cette planche ils auoient peint les teſtes de trente Hurons, qu'ils ont pris. Nous les conſideraſmes attentiuement, auſſi auoient-ils attaché cette peinture à vn arbre eſbranché, en forte que les paſſans la pouoient aiſement deſcouvrir; les diuers traicts faiſoient paroître la qualité & l'aage des prifonniers, comme quelques Sauuages qui ſe trouuerent là, nous l'expliquoient. Ils auoient figuré deux teſtes bien plus groſſes que les autres, pour repreſenter deux Capitaines qu'ils tiennent entre leurs mains, dōt l'un eſt ce braue *Taratoïan*, duquel i'ay parlé cy deſſus; on y uoioit auſſi la teſte de deux [301 i. e., 297] enfans, & de deux autres ieunes garçons, qu'on amenoit au Seminaire. Ils auoient fait des raies en forme de panaches, ſur les teſtes des plus vaillans. Toutes ces teſtes eſtoient griffonnées [*ſc.* griffonnées] en